

籌辦夷務始末

籌辦夷務始末卷之四十六

咸豐九年己未十二月丁酉

欽差大臣科爾沁親王僧格林沁直隸總督恆福奏查北塘地勢無險可扼。努僧格林沁曾於八月間詳細具陳在案。該夷再來報復。水路前經失利。勢必舍舟登岸。襲我礮臺後路。查大沽海口北岸沿海並無口岸。均係淤灘。礮臺上一望即在目前。該夷船隻不能隱伏。登岸不得地利。似可無慮。惟南岸地方較遠。兼之汊河數處地勢曲折。如祁口河馬蓮口驢駒河道溝村等處。均可登岸。或抄截礮臺後路。或撲犯大沽村莊。是以努等。於大沽東南兩面修築長濠一

道復又勸諭紳民在大沽村外挑挖長濠築立圍牆並令北岸礮臺後路之于家堡唐兒沽一律辦理以期嚴密至該夷所稱由水勢寬深處登陸直抄礮臺後路查海口水勢寬則無邊其深處惟有攔江沙外攔江沙以內潮長則深潮退即係泥灘該夷大船既不能進攔江沙小船又不能傍岸惟有小舢板載人登陸應看彼時地勢道路平坦即用馬隊攜帶車礮繞出濠牆迎頭截擊如遇雨水停積大潮上灌之時馬隊車礮固不得力而該夷亦泥淖難行我兵儘可守禦內濠以逸待勞更易制勝至攔河防具原有鐵鏈鐵練仍恐未盡周備現在博採眾論悉心講求設

法添製。以期攔阻。至北塘後路太空。恐該夷直撲天津。諭令才等。挑選鄉勇一萬名。勤加訓練。擇地設備。保障天津。並據勞崇光奏稱。該夷有馬步隊。由北塘登岸之語。查北塘原有礮臺舊基。本年春閒。復加修整。此時廢之。則恐惑民心。留之又恐為敵踞。前曾安伏地雷。現擬寬通地道。裝塞火藥。設該夷窺伺。燃之以備火攻。不使該夷得以占踞。若該夷衝突而來。直撲天津。或由大沽南岸登陸。沿河之新城。葛沽。鹹水沽。辛莊。白塘口。雙港。土城。均係集鎮。此外尚有村莊數處。相隔不過數里。既可駐足。又可飽掠。由此直趨天津。此夷策之上者也。由北塘距津陸路百餘里。其中惟

軍糧城一處村莊此外一片荒地既無食物並鮮甜水我軍馬隊隨地可以截擊該夷豈能馳驟自如且即使直抵天津而津郡城池尚在南岸卸斷浮橋渡河亦復不易該夷深於兵法恐未必出此下策也再查天津民團練勇僅可助虛勢而壯聲威使之禦敵萬不可恃上年海口練勇約有萬名夷礮一開鳥獸散焉以致衝動官兵不能成列現在津郡城鄉團勇不過萬人設遇有警之時可以鎮壓土匪不能調出迎敵且練勇一萬名一月口糧計需數萬兩與其練勇莫若添兵惟現在部庫支絀此時未便添兵糜費擬請豫派京兵二千名俟有警動再行來津防守其

京兵二千名。擬派健銳營五百名。兩翼八旗五百名。外火器營四百名。

圓明園八旗內火器營巡捕營各二百名。並請

飭下該營王大臣。即令該官兵。騎用技藝馬匹。一經征調。一日夜可抵天津。不致遲誤。至天津城池。半已殘缺。城內民無宿糧。地無井泉。每日水米。均恃城外接濟。所有富商大賈。百貨居集。均在城外。防守甚難。等再四思維。揆之地勢。亦應附城一帶。挑挖重濠。築立土城。將四門關廟圍入重濠。設有警動。守濠即係守城。較為得加。等僧格林沁當派翼長榮善瑞禧等。恆福派委運司崇厚。天津道孫治周。歷履

勘濠牆地勢。周圍約長三十五里。因東西北三面。鋪戶居民。房屋林立。相連數里。南面近城地方。多係墳塋。是以不能收縮。而三十五里尚不甚大。易於防守。備調京兵二十名。天津鎮標兵千餘名。蘆團練勇一千名。分段扼守。足數抵禦。此項濠牆。派令津郡官紳捐辦。是否踴躍。未據該運司等稟覆。如捐有成數。擬俟春融。即行開工。計期一月。可望蒞事。謹將天津地方。擬挖環濠。繪圖貼說。恭呈

御覽。至於嘆夷騎悍。啼夷附和。新聞所載之詞。未足深信。其所稱雜俄夷在內之語。俄國固懷叵測。而嘆夷挑釁。亦不可墮其術中。夷人如到津投遞書函。以求和為名。誠如

聖訓。未便即行攻擊。亦不便徑行拒絕。才等愚見。和戰二字。本係判然兩途。和之局。必當在滬。戰之局。必當在津。該夷果欲求和。自必即在上海。與地方官定議。兵船一經駛至大沽海口。自係決意報復。斷無和好之理。假以求和為名。懈我軍心。用兵之道。貴乎鼓作士氣。不宜稍有游移。心無專主。夷船一至。各營將士。勢必勇氣奮發。定欲再挫賊鋒。使該夷片帆不返。若今日言和。明日言撫。兵丁與該夷。雖有不共天地之心。將領常存畏首畏尾之念。一旦人心懈怠。難再收拾。才等擬俟見有夷船帆影。即派員迎出。令其前往北塘。告以該處有人款待。看該夷之意何屬。大沽海口。仍

以難心灘為界。夷船駛至。即行開礮轟擊。等熟籌妥議。至再至三。制勝之機。間不容髮。若不豫有主持。臨時萬難施措。全局攸關。固不敢輕開邊釁。亦不敢坐失機宜。僧格林沁等又奏。節次據何桂清。勞崇光奏報。探聞夷情。或稱調兵三萬。或稱馬步萬餘。揆之該夷報復之心。未嘗片刻釋然。明春之來。勢必倍加兇狠。又恐再戰再北。從此不振。不能為國。是以先將虛聲恫嚇。亂我軍心。或藉此要我求和。或分我兵勢。該夷得以乘隙肆其狂悖。現在局勢。惟有鎮靜以待。河內布置。似已嚴密。夷船斷難闖入。陸路馬步官兵練勇。足資抵禦。設使該夷馬步萬餘。我兵迎勦。

兇。勢。必。拔。勝。算。可。以。仰。慰。

宸。廬。至。該。夷。屢。以。虛。聲。散。布。蓋。以。不。知。我。兵。虛。實。並。可。查。看。中。國。官。員。神。色。現。在。既。經。布。置。嚴。密。官。兵。又。數。截。擊。既。有。把。握。無。所。畏。懼。應。請。

飭。下。何。桂。清。勞。崇。光。傳。飭。地。方。各。官。如。與。夷。人。接。見。即。將。大。沽。一。帶。水。路。逐。層。防。守。器。具。陸。路。布。置。情。形。向。該。夷。明。言。直。告。沿。海。馬。步。官。兵。雖。不。甚。多。尚。稱。精。銳。如。該。夷。登。岸。接。仗。情。願。與。決。一。戰。並。非。大。言。誇。張。該。夷。久。於。用。兵。雖。未。目。睹。一。聽。必。已。了。然。該。夷。如。再。聲。稱。調。兵。來。津。報。復。其。勢。如。何。兇。凶。地。方。各。官。儘。可。置。之。不。理。無。庸。攔。阻。任。聽。該。夷。多。調。夷。

兵前來接戰。示以鎮定。察其動靜。再看該夷之意。若何。如能悔過輸誠。即當迎機善導。使其就我範圍。從此息兵罷戰。該夷未必不心肯樂從。全在地方官措詞得當。互用剛柔。

諭軍機大臣等。僧格林沁。恆福奏遵籌海防布置事宜。繪圖呈覽。並遵保山海關統兵大員各等語。覽奏均悉。用兵之道。不宜稍涉游移。僧格林沁等。以夷情願和。則應在滬。欲戰。則必來津。大沽海口。仍以雞心灘為界。倘夷船駛入。毀我防具。自應開炮轟擊。使官兵有所適從。不敢懈怠。其或在外遊駛。即派員迎至北塘。告以彼處有人款待。看其如何情形。再行馳奏。隨機應變。均

甚妥協。其北塘陸路。暗伏地雷。不使占踞礮臺。並有馬隊可以
截擊。又挑挖環濠。布置事宜。亦屬周密。所請調察哈爾馬一千
匹。本日已諭令慶豐。速行照數挑選。於明年二月內解抵防所。
所需調健銳等營京兵二千名。亦已諭令各該營挑選候調。惟
京營距津二百餘里。必令一日夜趕到。人馬疲乏。仍須先期數
日奏調方妥。至此項京兵。宜選精銳者。列為前敵。其次方令防
守城濠。而所築環濠。據稱約三十五里。仍應挑選練勇之中。可
恃者。協助兵力。以資守禦。山海關地方緊要。自應謀勇兼優之
員。方足以資捍衛。所保奕山。賽尚阿。俱未愜朕意。仍著該大臣
再行酌保。候朕派往。僧格林沁辦理夷務。竭盡心力。卓著戰功。

勤勞在外。瞬間一年。朕心嘉悅之餘。尤深厯系。此時防務稍鬆。著該大臣於本月中旬。即行來京。陛見。以慰朕念。並可面授機宜。俟來春再行赴津。該大臣來京之前。須將一切防務。交明樂善。西凌阿。暫行管理。恒福駐紮大沽。呼應較靈。並著暫緩回省。與樂善等。妥為防守。至該大臣等。另片奏稱。津沽布置情形。無妨。令何桂清。勞崇光等。告知該處。令來決戰等語。雖為先聲奪人起見。然辦理軍務。惟當自籌善策。不必誇示敵人。轉似激之使來。所奏著毋庸議。

又

諭僧格林沁等奏。請調察哈爾馬匹赴津等語。現在天津防所尚

須添調馬匹。著慶昫在牧羣內。挑選廕壯馬一千匹。於來年二月內。解赴天津防所備用。毋稍遲誤。

己亥。給俄囉斯咨覆。

辦理軍機處。為咨覆俄國使臣伊查照事。今據禮部送來咨文一件。貴使臣欲派大學士一人。會同商議兩國大事。上年貴國使臣不到京。

大皇帝特派尚書肅。尚書瑞。相見所有貴國商辦事宜。無不據情代奏。至中國體制。大學士各有專管之事。遇事必得奏請諭旨遵行。並非凡事皆得與聞。可以擅專辦理。尚書肅。尚書瑞。皆係一品大臣。係奉

旨派辦之人。所有貴國應商之事。即向告知。必能代為轉奏也。為此知會。

辛丑

欽差大臣兩江總督何桂清。江蘇巡撫徐有士奏。伏查本年新漕。仍須海運。該夷計圖報復。必先阻截海道。臣等先事豫籌。飭令上海商人。墊資採辦米四五十萬石。趕先運津。出該夷之不意。詎因節遇風雨。未能迅速。多為裝兌。嗣得夷人用兵之信。商人畏蕙不前。僅報運米二十三萬石餘。即未肯兌運。並有將已購之米。難價歸本。商情已渙。雖一月以來。宣布。

德意。多方開導。商人總以成本攸關。不敢再行墊資採買。現逾十一月。中旬。各屬漕糧。正應趕收趕兌。而運務尚無把握。臣等督飭司道。反覆籌商。實多格礙之處。據蘇藩司王有齡。蘇松太道吳煦。先後稟稱。海運首重船隻。今夷信謠傳。商船各顧身家。莫不畏累。無從雇募。即使設法招徠。有船可運。而該夷兵船到滬。堵泊海口。其時天津亦嚴加布置。凡出口放洋。進口交收。勢難照常辦理。此可慮者一。如另籌別口出進。則我能往。寇亦能往。萬一為其攔阻。直將江浙兩省百餘萬漕米。盡齎盜糧。此可慮者二。若將徵收之米。全數存倉。俟夷務告竣。再行起運。東南地本卑溼。迥非北

省高燥可比。久儲易致霉變。此可慮者三。或謂米石出運。不妨仿照節省丁耗等米。變價解京。但節省丁耗等米。為數無多。尚易變價。江浙兩省百數十萬石之糧。同時雜變。非第糧價大減。壅滯難消。恐一時無此殷商購囤。勢必解京之款。轉致虛懸。此可慮者四。又謂起運存倉。兩有窒礙。亦可改收折色。江蘇為漕糧最重之地。民力本極拮据。道光二十八年。有議行折色之案。旋即奏免。咸豐三年。復辦折色。米多壅塞。民間不能變價納糧。遂致徵不及半。積欠累累。況當開倉之際。驟易舊章。猝令棄現成之米。改收折價。民間窘迫難籌。較前更甚。人情洵懼。恐致銀米兩懸。此

可慮者五。報轉躊躇。迄無善全之策。然為時已迫。不得不先照海運舊章。仍飭各屬。一律開倉收納。再行酌辦等情。稟請具奏前來。臣等詳加體察。該司道等所稟。要係實在情形。百計籌思。同深焦慮。此時夷兵尚無到滬的期。自當示以鎮靜。飭屬照常收米辦運。一切提前趕早。不得稍示張皇。並飭曉諭商民。以啖哺調兵。未必非虛聲要挾。勿為所惑。至此後事宜。能否乘機就範。殊難逆料。臣等惟有隨時察看情形。斟酌變通。奏明辦理。以期得寸得尺。無誤正供。

硃批知道了。戶部知道。

士寅

欽差大臣科爾沁親王僧格林沁奏。伏查山海關防堵情形。與大沽海口不同。該處無險可扼。守已不易。戰則更無把握。設使該夷前往窺伺。惟當婉詞應對。告以此處並無大員。僅有兵勇防守海岸。如有應議之事。現在

欽差大臣駐紮上海。可以前往投文。於言語之間。既未便恃強。又未便示弱。該夷說詐百出。勢必佯嗔假怒。欲將用武。不過藉此看我動靜。探我虛實。意圖牽動我師。彼時固不可坐失事機。尤不可自我挑釁。必須輕重合宜。緩急可恃。而靜鎮有謀。堪當此任者。一時不得其人。數年以來。才共事之

文武各官一切才具。久在

聖明洞鑒之中。○擘惟有詳細籌思。○俟回京後再行面陳。○京營官兵有親喪事故。○給假回京。○婦墓者四十八員名。○已於本月初一日回營。○其親老丁單者二百員名。○亦經給假。○於初五日起程。○併查有疾病缺額者。○應行文各該營照數派撥。○同二次給假官兵。○均於十五日出京。○十八日來營。○俟到營後再將疾病官兵撤回。○擘擬俟十九日自營起程回京。○恭詣

闕廷跪聆

聖訓。○至嘆涕二衷。○節次布散。○虛聲無非要我求和。○兩江兩廣各督臣。○示以鎮靜。○該夷自必另生奸計。○此時海河結凍。○船隻不

能行駛。即使夷船前來窺伺。僅能在欄江沙外停泊。既無後路。礮火策應。亦斷不敢登岸撲犯。惟前據兩江總督何桂清奏報夷情。迄今數日。自應續有探聞。如該夷仍有來津之信。勢自當仍駐海口。暫緩回京。

硃批。依議。

丙午。

欽差大臣兩江總督何桂清奏。節據蘇松太道吳煦候補知府藍蔚雲稟報。十一月十六十八等日。暎夷續到三桅火輪兵船四隻。各載夷兵一二百名不等。詢係由香港或閩浙等省駛來。皆係常在中國往來者。嗣於二十八日午中等刻。

先後駛到三桅火輪兵船二隻。各載夷兵二百餘名。二十九日午刻。又同來火輪兵船二隻。一船三桅。約載夷兵二百餘名。一船兩桅。載夷兵百名。探係由印度調至香港。派令先來上海。吳煦等督帶通事上船。查詢夷目是否來此。議和。據云。伊等祇管本船夷兵。聽候調遣。是否議和。係公使兵頭專主。不能深知。復詢以既來上海。是否在此久駐。抑須他往。據云。兵頭尚在香港守候。後到之兵。伊等須待兵頭到日。纔定行止。三十日午刻。黃埔各夷船。礮聲絡繹。探知暎夷水師副兵頭尊士者。搭坐公司火輪船。行抵上海。旋有暎夷三桅火輪兵船一隻隨到。總計暎夷輪船。

先後已到九隻。約共夷兵二千數百名。佛夷已到一隻。探明兵數另報。並探聞暎夷擬俟兵齊。留兵二千五百名。駐紮上海。又先在上海督造火藥房二所。吳煦等現已派員並知會營汛。密飭弁兵暗中防範。仍即示以鎮靜。俾免民心驚疑。至佛夷副公使梅爾登。前於十一月初八日來見。後吳煦等於十九日使道往答。據梅爾登云。該夷兵船已到澳門香港兩處。該夷總領先行和解。以免用武。若

大皇帝委派

欽差大臣。前來調處。定可無事。僅俟兵齊再說。恐來不及。吳煦等答以天津之事。肇自暎夷。爾國並未幫同打仗。為中華大

臣所深知。前在天津時。本擬奏懇。

大皇帝恩施。與咪夷一同在津換約。乃公使隨同咪夷南歸。可見並非中華相欺。此時不應自我言和。兩江總督。即是。

欽差大臣。何必另派。今爾國為喫人牽制。調兵遠來。中華亦豈有豫備。用兵則勝負不可知。若爾國情願先行講理。應由公使備文。照會兩江總督。或江蘇巡撫。請面為商定。即照咪夷之式。崑山相見。一切悉照咪夷辦理。即在上海換約。亦無不可。該夷允與哖哖商酌再覆。二十五日。梅爾登復令繙譯孫文典來見。以前言均梅爾登之私見。尚未便向哖哖哖明告。況天津係伊國敗績。若先出文請見。顯。

然求和太難為情。總求

欽差大臣設法措詞。與公使見面。至面商之事。趁此時師兵未到。祇說先償上次兵費。俟兵到。恐須續加。將來應准公使仍從大沽進京換約。一切照前。並請先撤大沽防兵。乞為轉稟等語。吳煦等當以爾國既不屑居求和之名。堂堂

天朝。豈能轉向爾國等求和。至爾國公使。上次本因換約而至天津。帶兵何為。既已帶兵。自然有費。設竟進京換約而返。試問費向誰索。自天津滋事後。自夏迄今。中華防堵兵費。共計千數百萬。爾等亦當賠償。若和議既定。應否仍由大沽進口。尚須斟酌。且嘆夷意見若何。尚不得知。豈能先行

撤防。照此情節。斷乎不可代稟。今其回覆梅爾登另作計較。將譯出新聞紙內。喚佛同事論。及喚佛調派兵船數目。密報前來。臣查覈新聞紙內。喚夷不欲與佛夷共事。已屬確鑿。佛夷既已隨同調兵。梅爾登復先以講理之言。屢來詰試。其為貌合心離無疑。梅爾登孫文典之語。句句顧和。卻處處逞強。且喚夷新聞紙內。亦有允照舊章。加運兵餉之語。是該二夷以兵脅和。故為可惡。揆衆情形。恐非急切所能就範。現在兵船到上海者。雖共止十隻。而新聞紙內開列。喚夷共調大小輪船七十餘隻。證諸廣東夷行貿易之令。所寄上海信內之數。大約相仿。佛夷雖無船數。所稱

起兵一萬五千。恐亦未必盡確。而時已臘月。正當潛糧壯
兌之時。誠恐兵船接踵而來。該夷等必有舉動。此時惟有
鎮之以靜。飭令照常辦事。視其如何情形。隨機應變。設法
抵制。

硃批覽奏已悉。該道駁飭梅爾登之語。尚屬得體。然此時夷情雖
驕。總不可使之遠去。撫局難成。但能將價費撤防兩層。暗為消
弭。仍應作為拂夷並未助逆。先就範圍。方為妥善。如能赴崑山
面見更好。至嘆夷之狂悖。恐非言詞所能化也。

戊申。俄囉斯照會。

為照會事。於本月初九日。據禮部送到貴處咨文一件。本

大臣已經接收。內稱。本大臣在和約已換之後。業經與
欽派大臣尚書肅。瑞。見面數次。會商事件。何得又請另派等語。本
大臣於八月初五日。業將與該大臣等商辦情形。詳細知
照貴處在案。本大臣到京。係在換和約之後。按照和約。本
應派大學士商辦。貴處於六月初二日。文稱。派出肅。瑞。二
位大臣。彼時本大臣因念兩國和好有年。恐辯論耽延時
日。且想尚書肅。瑞。亦必欲固守兩國和好。誠心商辦。特交
大事務。求兩國有益。況

欽派大臣。必知兩國所定和約。及相交情形。是以未經理論。及至
相見。確知尚書肅。並無此意。故本大臣前次。咨行貴處。乞

為代表。照依天津和約第二條。另

派大學士一人。若不照依和約辦理。何必立此和約。外方諸國。見中國以大臣等所定

皇上准行之和約。作為虛文。相交大小事件。俱不按和約。乃任意辦理。豈能信服相安。本大臣初與尚書肅瑞會晤時。曾言過烏蘇哩河至海口等處。已經定為兩國交界之處。現在所商分界之事。係烏蘇哩河至海口中間之地一塊。且交出大學士銜。前次送到本國欽差大臣公普提雅琴。上年五月初四日欽奉

諭旨一道為證。尚書肅瑞起先並不認有此道。

諭旨。後於六月二十六日咨稱。有此

諭旨。但與本大臣交出之文不符。其中止言五口通商。及黑龍江
定約諸事皆定。並非將烏蘇哩江借給在內等語。本大臣
所鈔錄者。係照原行俄羅斯文所譯漢字。此內文字間有
不同者。亦無足奇。然大義不能甚差。彼時本大臣請尚書
肅。瑞將原文送閱。以便查對。未給。是以本大臣行文本國。
將前次大學士桂。芬送公普提雅廷之文。鈔寫一分。送至
本大臣。以解相疑。今將送到鈔寫

諭旨。送給貴處各位大臣閱對此文。必知本大臣與尚書肅。瑞所
云。以烏蘇哩河為兩國交界。愛琿和約中國

大皇帝准行之語不差。尚書蕭瑞云無此事。豈有理乎。該大臣不知和約及

諭旨大端。如何與之商辦。本國與中國相交。歷年已久。護持和好。惟依友道。凡能利益中國。必行其事。之證據。最易考查。貴大臣悉知。吾兩國地界毗連者萬餘里。其間雖歷年未免有和好之隙。而本國與中國經二百年。不顧大小嫌隙。仍交好如舊者。非他國可比。若他國之與中國相交。其人雖不似本國之多。力亦不及。地界且不相連。但因貿易小故。而常生釁隙。以至交戰。即願與中國行有利益之事。亦不能至。如本國相和之久。亦萬不能再。

貴國如有所求。無大妨礙之事。本國必然應許。前時無論請看本大臣七月十六日。二十五日。八月初五日之照會可證。若

貴國則不然。我國所求。雖係有益兩國。及照和約內所有之事。一件未經准行。他國請本國與中國一同交戰。本國知貴國內外擾亂事煩。難以周顧。不但未與他國一同辦理。反幫助

貴國與他國說合。不須多索。至本大臣來京情形。亦係本國修好之意。本國大皇帝因先在大沽。或北塘迎接本國欽差之勞。命本大臣仍由舊路行走。於他國欽差之先來京

時將本國與

貴國一切辦理未完。早為辨結。以便幫助。

貴國與他國相交。現時嘆咈兩夷。數萬之兵。已經駕船起程。意欲必至天津及北京。本國知

貴國急難之際。誠願固守鄰友好道。與之共救內外烈燄凶跡。

貴國應慎勿藉自力攻內外之敵。務求和好之事。讓小事以免將來益生凶跡為善。且本國與

貴國相交至今。設有嫌隙。並不計較。中國理應慎思。不可涉視此和平之心。以招人怨前。

貴國來文內稱。辦事欲使兩國有益。方合友道。此言甚是。本國所求者正為此耳。但貴大臣以本國所求。概不准行。則為友道乎。貴大臣深知本國所求。係按照和約而行。遇有不論何國已立和約及所許之事。並不違辦。他國亦必不信服。既不能倚賴和約。安然相交。反生不斷相戰之事。中國願國太平。止有一法。務思交良友於本國。總之求貴大臣等將願否。照依天津和約第二條辦理之處。示覆可也。為此照會。

己酉

欽差大臣兩江總督何桂清兩廣總督勞崇光奏遵

旨將味喇呷條約宣示海口。准該國在廣東潮州先行開市。並照新章完納船隻噸鈔。臣勞崇光接准移咨。當將該國條約通行宣示。並咨會粵海關監督准該國先照新章完納船隻噸鈔。其餘各項稅則。仍照道光年間舊定章程徵納。不得與新章牽混。並准其查照原議。於本年十二月初九日。在潮州開市。查潮州地方。粵海關原設有分口。以庵埠為總口。汕頭等處為子口。簽派丁書徵收內地海船貨稅。歷年已久。現在味國船隻新來開市。雖與內地海船收稅事例微有不同。但該處原設稅口。既由粵海關管理有年。一切事宜。可以駕輕就熟。自應歸併粵海關。援照廣州大關

徵收夷稅章程辦理。勿庸另議更張。以歸畫一。惟開市伊始。必須添派委員。前往督率稽查。俾昭慎重。臣勞崇光查有陵水縣知縣俞思益。老成練達。堪以委令前往。會同該處原派委員。妥為開辦。並由惠潮嘉道就近彈壓。所徵稅銀。按季報解。大關存儲。查照開例扣滿一年。彙數造報。仍由該監督隨時設法嚴查。杜絕私弊。以裕課餉。而肅權政。該處分口。向來每年額徵銀二萬一千九百餘兩。又繳米艇銀約三萬六七千兩。今夷船開市之初。每年徵銀多少。不能懸揣預定。應飭儘徵儘解。覈實造報。不准稍有欺蒙。俟一年期滿。查看情形。分別奏明辦理。至味國使臣華若

翰已由上海來至粵東。到臣勞崇光衙門求見。臣當經接見。宣布。

皇仁。妥為撫馭。該使臣口稱渥受。

大皇帝逾格。

天恩。通國人人感戴。查其情詞恭順。出於至誠。所請十二月初九日。在潮州開市。現將屆期。臣勞崇光既面屬該使臣。委派領事前往。將該國商人水手。照料約束。慎勿稍生事端。一面由臣會同粵海關監督。出示曉諭該處商民。一體遵照。其餘未盡事宜。如有應行變通損益之處。再當隨時酌覈具奏。

硃批知道了。

勞崇光又奏。再嘆。昨二國夷商之在粵東者。見味國船隻。頓鈔。已照新章開辦。不勝豔羨。該酋到臣。勞崇光衙門求見。懇求照辦。臣答以味國已經換約。該二國尚未換約。豈能援以為例。該酋復稱。從前舊約。本有一體均霑之語。大皇帝覆載無私。必肯一視同仁。祇求據情具奏等語。臣察其意甚堅。而其詞尚順。合無仰懇

天恩。准其一體照辦。以示羈縻。

硃批。已有旨。

庚戌。山東巡撫文煜奏。查夷人前自天津敗挫回帆。即有

興師報復之信。山東係往來必由之路。其乘便分擾。亦在意中。其所以不敢遽來者。自係不知東省虛實。以為蚤有隄防。是以故自張揚。藉圖恐嚇。要挾並徐觀動靜。以逞其伺竊肆擾之計。此時東省籌議防堵。若不示以鎮靜。轉恐招之使來。誠如

聖諭。此時若遽建築礮臺。過涉張皇。不如於陸路暗中設備。然臣此次東閱。本係欽遵

面諭。為密籌海疆防務起見。一路留心察看。查得山東北海自武定所屬之海豐縣。至極東之文榮縣止。南海自文榮兩縣。至西南沂州府屬。與江南交界之日照縣止。共計海岸迤

長三十八百餘里。其間口岸。惟即墨縣之金家口。及膠州之塔埠頭。有香島青島遮關口外。船隻必由島口進出。形勢較為緊湊。此外則一片汪洋。茫無涯際。所謂海口。不過海岸稍有灣曲。形若張弓。因其時有船隻停泊。是以呼之曰口。口門大者百數十里。至小亦數十里。地勢散漫。無可憑依。東省著名之石島。煙臺龍口。海廟。大沽。天津等口。情形大抵如是。夷船果圖北來。沿海一帶。處處可以上岸。並且徧地沙漠。處處可以深入。與天津。上海。確有海口可據。又有天險可憑者。相去懸絕。此則沿海防不勝防之實在情形也。至陸路海濱處所。固係水複山重。登州以東。

更多岡嶺迴互。並有懸崖絕壁。中止羊腸小道。僅容一人一騎者。該夷果從陸路進兵。此等要隘。未始不可據以爲險。然夷情詭譎。度必避險就夷。況此等腹地。乃商民自此至彼。往來行走之區。該夷沿海而來。更不必定經其地。一旦被繞越。即有險阻。則亦無所用之。即如登州府城。東西南三面。本屬傍山爲限。與西北城水城兩相倚依。無奈正北東北。相距海岸不及三里。城外惟正北一面。舊有沙埂一道。長可數里。外此曠野平曠。既無溝壑。又無林木。若守北而則兵丁無藏避之處。明防暗伏。皆無所施。若守山險。則水城府城均當北面之衝。山上開礮。城內先受其害。若必

待走近而後放礮。則城池已非我有。況兩山之西。又屬海疆。由彼上岸。我軍腹背受敵。山險亦安足深恃。此係專指一處而論。其餘瀕海縣城。均係依山環海。與府城形勢相同。臣與地方文武官員。悉心講論。不但現在兵餉兩絀。以戰以守。毫無把握。而地勢處處皆然。直屬無從措手。臣奉膺疆寄。何敢畏難苟安。況地利不如人和。制勝全憑時會。該夷雖近猖獗。而地勢未必周知。夷兵人數雖多。斷不能如本地之民。合僉聚僉眾。茲臣業已咨行鎮道各官。令其密飭所屬。先於沿海村莊。團練民勇。即由地方官會同所在營汛。隨時督辦巡防。團練果若得力。自能眾志成城。而

以逸待勞。以主待客。亦覺事半功倍。至於應用官兵。臣前
於到任後。曾經督飭各營習練槍礮。今夷人所用鳥槍。既
能如我撞槍之遠。則我兵鳥槍自屬不能抵敵。茲且於省
標三營。專調撞礮官兵。逐日督同操演。又查青州滿營火
器甚好。擬以各營撞礮練熟後。即日的量抽撥。並酌調青
州滿營官兵。選派幹練將官分投統帶。在於登州扼要暨
登萊青三府適中之處。駐紮防勦。臣尚恐地勢不能熟習。
致失機宜。復備文與鎮道等官。並青州副都統恩榮飛達
商辦。臣察看恩榮老成明練。將來防勦事宜。即可就近令
其酌量調度。如果事機較緊。臣仍當親往督辦。

硃批知道了。

辛亥。

欽差大臣科爾沁親王僧格林沁奏。十月十二日。接准兩江總督何桂清咨稱。喫呌兵船已到上海。鈔錄原奏新聞紙。由六百里咨行前來。摺詳加閱看。喫夷大小船七十六隻。夷兵一萬一千四百餘名。礮四百三十七門。呌夷雖無船隻數目。而現已調兵一萬五千名。其船礮必不減於喫夷。如果屬實。人心不無惶惑。且查該大臣原奏內稱。呌夷藉兵脅和等語。似此情形。稍拂其意。勢必在上海肆其狂悖。設使勢進京數日。得有上海緊報。復又馳赴海口。轉致中外慌

恐是以暫仍擬駐紮海口。毋庸進京。以期鎮定。現在時值隆冬。該夷未必即來大沽海口。即使夷船駛至。僅能在攔江沙外。不能切近內河。所有京兵二十名。除有親喪事故親老丁單者。給假省親。疾病者更換外。查海口距京道路不遠。其餘官員兵丁情願回京者。擬自本月二十日起。分三次自備資斧輪替給假回京。每次假期十五日。明年二月初五日截止。以示體恤。

諭軍機大臣等。前諭僧格林沁於本月中旬來京陛見。茲據接准何桂清咨。喚嘯兵船已到上海。仍擬駐紮海口。暫緩回京等語。係為慎重邊防起見。惟現在天氣嚴寒。河冰結凍。夷船斷難北

駛。該大臣駐兵海口。瞬閱一年。懋著蓋勞。朕心實深。屢系。僧格林沁。著仍於十九日起程。來京陛見。以慰朕念。兼可面授機宜。一切防務。仍遵前旨。交樂善。西凌阿。暫行管理。并著恆福。留心會商。所有京兵二千。准其分起。輪替給假回京。以示體恤。

給俄囉斯咨覆。

辦理軍機處。為咨覆俄國使臣伊。查明事。今據禮部送來照會一件。貴使臣以烏蘇哩河至海口等處。已經黑龍江將軍奕山等。定為兩國交界之處。並鈔錄大學士桂等。

諭旨。照會前來。本大臣查前次奕山等。辦理糊塗。將吉林所屬綏芬烏蘇哩河等處。擅行允許。並未聲明。亦未繪圖呈進。後

經吉林軍民公遞稟呈。力言綏芬烏蘇哩河。係吉林地方。不應黑龍江將軍。借與外國。並非與外國有搭界之處。如果俄國民人要來居住。本國之人斷不容留。

大皇帝念兩國和好。恐滋事端。是以將辦理錯誤之將軍奕山革職。及承辦之副都統吉拉明阿。初號早經知照貴國使臣矣。貴國若執定前說。將烏蘇哩河至海口。強為分界。恐該處人情不服。必啟爭端。反傷兩國和好之道。眾怒難犯。大皇帝亦不能強為抑制。實於貴國不利。總之兩國相交。必須不相侵佔。方為全交之道。為此咨覆。

癸丑。署黑龍江將軍特善欽等奏。准署黑龍江副都統愛

紳泰詳稱。據阿克敦吉林地方坐卡佐領和綱額呈報。烏魯蘇牡丹卡房被燒。當派佐領鄂爾精阿前往海蘭泡查訊。據該夷通事石沙木勒幅聲稱。夷目布色依因該卡在借給該夷地而之內。屢次商令遷移。未經拆毀。夷酋木哩斐岳幅。嗔怒伊等。故飭密奇達將卡房燒燬。如欲重修。可移左右岸等語。查該處卡倫係康熙年間設立。最為要隘。夷船到此。必須經日方能轉過。茲迫乘隙遣人焚燒。實屬狡抗之至。該處地面雖在許借該夷界址之內。惟設卡在先。借地在後。且係要隘。未便任其占踞。隨飛飭署副都統愛紳泰就近相度機宜。或往見夷酋。理論修整。抑或徑自

派員重修以復舊制。並派官兵常川坐守。以防再有他虞。前據愛紳秦詳稱。十一月初二日。俄夷通事石沙木勒幅等。至黑龍江城。面見該員告稱。木肖遣送禮物。以敦和好。隨令從人取到小匣一箇。內裝小玻璃盒十箇。刀剪磁鑷各一把。哈喇五尺。藍布一丈。並送給官員等。哈喇一丈。倭緞二丈。該員隨即答以和好不在禮物。堅辭不受。該通事等聲稱。上年饒送。曾經收留。此次斷難持回。復以善言開導。拒阻該夷一味強詞。以為不收即是見疑。並欲強擲而去。該員暫將來物收留。並送給豬羊米麵等物。以作回禮。嗣據愛紳秦派員往見。木肖不與晤面。夷目布色依。已自

認遣人焚燬。若再與商辦。仍必不從。現擬派員在江城將房木修妥。由冰道拉運。迅至該處。先在浮地照舊修蓋。俟其拒阻。再與理論。現已報稱工竣。並派委官兵坐防。又據該署副都統報稱。石沙木勒幅復至江城。欲由齊齊哈爾驛道赴京送信。該員峻詞拒阻而回。亦並無回信。現將地方形勢。繪圖貼說。恭呈

御覽。

硃批。另有旨。圖留中。

諭內閣。特普欽奏。請將疏防卡房被焚之佐領。交部議處一摺。黑龍江烏魯蘇牡丹卡房被火焚燒。該卡員銀蘆旗佐領和綱額。

未能先事豫防。實屬疏忽。著交部議處。

諭軍機大臣等。本日據特普欽等奏。俄夷乘隙燒燬卡房。已派員修竣一摺。並繪圖貼說呈覽。業經明降諭旨。將疏防之佐領和綢額交部議處矣。烏魯蘇牡丹卡房。雖在許借俄夷界址之內。而設立自康熙年間。且係要隘處所。豈容任外夷占踞。此次該夷因船行駛不便。催令遷移。又未允許。乃轉謂此卡為占踞左岸借居之地。突令密奇達將卡房燒燬。經特普欽派佐領鄂爾精阿前往海蘭泡查訊。據該夷通事石沙木勒幅直認不諱。並云木哩斐岳幅嗔怒。故令燒燬。如欲重修。可移在右岸等語。情詞甚為猖獗。特普欽現經派員在黑龍江城修妥木房。由冰道

拉運至該處照舊修蓋。業已一律工竣。所辦尚屬周密。惟該夷蓄心侵占。已非一日。此卡既於該夷行船不便。雖經修理。難保不復來滋擾。特普欽擬派官兵。常川駐守。尚恐難資抵禦。黑龍江之鄂倫春赫哲費雅哈等部落。其人最為勇悍。務當收羅為我所用。不可使受夷人籠絡。果該夷再來滋擾。即密調該數人。與之抵禦。此外團練。亦當聯絡一氣。使該夷稍知畏懼。不致得步進步。方為妥善。

乙卯。庫倫辦事大臣色克通額奏。咸豐六年。經回民東稱俄夷互換大黃。原定十年約文。請改為五年。每普大黃價銀。作為五十兩等語。當經怡克圖章京呈明在案。茲據該

章京報稱俄囉斯遣使查探回民並未將大黃按限交清。究於何時運齊。咨請示覆前來。當即照例咨催陝西甘肅西甯一面飭該章京曉諭瑪雨爾去後。今據該章京呈報回民等將五年分應交大黃全數交清。惟換立和約一節。據俄囉斯聲稱近來應需大黃較多。欲立新約。俟本薩納特衙門咨覆到日再定等語。查大黃係俄夷應用要件。今與回民提及多用。並商議將十年十一月應交大黃運齊。報明該薩納特衙門再立新約。實於回民毫無妨礙。俟至十一年議定呈報時再行體察情形辦理。現在惟有曉諭該回民嗣後運交大黃毋得缺欠數目。遲誤限期。以昭慎。

重。

硃批知道了。

丙辰。俄囉斯照會。

為乞據情代奏事。本大臣於本月二十六日。接到由禮部送到軍機印文。知會定日面交。何不直由禮部送來。文稱而交。甚是不懂。係何原故。即面交亦可。本臣又候及五日之久。未見肅瑞二位大臣到館。其中情節。即令人不解。反使人猜疑。肅瑞二大臣另有公務。即將公文送來。或奏請另

派大臣會議。准定使本大臣早為辦妥具奏。查烏蘇哩江至海口

中間之地。原係兩國同管之區。並無分清界址。恐我國流
民與旗人難處。互相爭鬭。難以約束。以致兩國素好。是以
與

貴國黑龍江將軍奏。會同我國欽差大臣木哩斐岳特將烏
蘇哩河至海口等處分界通商事宜和約定議。奏明在案。
咸豐八年五月間。經桂花大臣送交

諭旨一道。內著即可告知我國。在黑龍江定議諸事皆定。理應為
中國出力。向嘆唏二國講理。杜其不情之誦。逮了此事。方
能對得中國等語。現在咪國議和之後。業已回國。不為無
功於中國。烏蘇哩河至海口之中間地。在中國不過彈丸

不毛之所。毫無傷損。與我國通商行走。稍涉便宜。分清界址。以期永遠和好。況有

大皇帝煌煌

諭旨。送交和約。已奏知我國大皇帝。適會晤肅瑞二大臣。初時抵賴。後又咨稱有此

諭旨。但與本大臣交出之文不符。其中止言五口通商。及黑龍江定約諸事皆定。並非將烏蘇哩河借給在內等語。可見肅瑞二大臣不願辦理此事。是中國失信於鄰邦。似此和約。作為虛文。何以取信於他國。而本大臣願修舊好。惟求商辦者。一按天津所立和約第九條。分定兩國交界。定旱路

貿易章程。查對早年所立和約。為指出增減各條。永遠遵行。為此備文。乞據情代奏。謹蒙

允准分界等事。我國情願幫助。勸令倭國兵船回國。不致擾亂天津等處。息靜干戈。實為兩幸。是否可行之處。抑或代奏。另派大學士一位。即來會議。望乞示覆。

戊午。閩浙總督慶端。福州將軍東純。福建巡撫瑞璜。奏查閩省臺灣一郡。孤懸海外。所轄五廳四縣。島嶼分歧。向來官商各船。往來停泊。以臺灣縣屬之鹿耳門。彰化縣屬之鹿仔港。淡水廳屬之八里坌等三處。為出入正口。其八里坌口內之滬尾一澳。亦為商船寄碇之區。附近滬尾之艋

舛地方。並為各商貿販之所。現在咪喇堅一國。既經准在
臺灣開市通商。設關徵稅。自應遵照原奏。俟該國領事到
臺之後。再由地方官會同妥議交易。先行開市徵稅。惟查
該夷原請。自十月初九日起。扣至兩箇月後。赴臺開市。現
已將及屆期。雖經飛札移行該管鎮道府。遵照妥議。分別
辦理。第重洋遠隔。風信靡常。往來文報。難以應期。若俟往
返稟商。誠恐臨期貽誤。而該郡地皆濱海。處處可通。似應
先行酌定馬頭。庶免漫無限制。該署福建藩司裕鐸。前任
臺灣道時。曾以巡查親歷各口。據稱。鹿耳門一處。迫近郡
城。鹿仔港口。檣帆薈萃。港道淺窄。均非商夷船隻輻輳所

宜。惟查有港尾即八里岔一澳。地近大洋。貿易所集。堪令
開市通商。並於附近要隘。設立海關。照章徵收。以示懷柔。
但辦理創始。一應撫綏彈壓。自應遴委幹練大員。馳赴該
郡。會同臺灣鎮道府。再行逐一妥商。一俟該領事抵臺。即
可會議稟辦。查有福建候補道區天民。明幹有為。才識俱
優。堪以委令前往。認真妥辦。所有通商事務。即責令該道
專駐管理。並請嗣後每屆一年。量予更換。以均勞逸。酌給
薪水。以資辦公。如果該員辦理實在得宜。即行再留一年。
以資熟手。並錄敘勞績。願懇

恩施。其有華夷交涉事件。應令該員會同臺灣鎮道府。隨時辦理。以

昭慎重。至應徵稅課。查閩省福州廈門等口。原設海關。係由福州將軍衙門兼管。分派口員。專司徵納。臺灣雖無原設海關。第同一徵收稅課。自應統由管理閩海關之福州將軍兼管。每年檄委該處通商道員。兼理稅務。所收稅銀。按季運解。由福州將軍另款存儲。照例一年期滿造報題銷。毋庸另請。

簡放監督。以節經費。現在該夷開市。伊邇未經奏奉。

諭旨以前。即令該道區天民暫行兼管。並會同臺灣鎮道府設立關口。照章起徵。以免遲誤。

硃批。戶部速議具奏。

山東道御史林壽國奏竊臣默籌各路軍情腹心大患賊
甚於夷而咽喉急證夷重於賊自僧格林沁大沽之捷中
外欣慰臣以為未也自味夷華若翰之和中外欣慰臣亦
以為未也味酋之和知我兵力不足聊用羈縻之也嘆唏
二國亦知將以羈縻之也故雖經挫敗而變詐不衰雖加
開導而報復益決臣曩從事樞垣屢請寄

諭令何桂清誘夷商以貿易飭唏夷以和約冀以待味者待唏且
以待唏者待嘆弭禍患於既萌寓

恩威於並用此策可行誠為至善以臣所見竊恐未然雖姑存議
和之心不可疏決戰之策惟堅持再戰之議乃可鼓臨陣

之心。今上海雖誘和。天津實決戰矣。然明年再戰。有足慮者。僧格林沁。

國之重臣也。以臣觀之。今孤注也。天津海口為。

神京拱衛。尤咽喉之急證也。天津之水勢。攔江之防具。濱海之礮臺。彼皆目擊而心知。必將熟思而審處。肯如今年之冒昧以取敗乎。臣料其必水陸並進。晝夜環攻。多募潮勇以犯頭鋒。暗載馬隊以備衝突。或我兵挫於前事之勝。則佯怯以乘瑕。或我兵苦於分路之疲。則更番以疊戰。僧格林沁謀略素優。忠勤不懈。布置周協。固不待言。然以今年敵輕而驕。不知虛實。猶能洞我礮臺。損我將弁。幾亂我部。

曲。明年兇猛可知。今

盛京山海關能當一面者。已難其選。即北塘一帶。亦有不敷。調遣之處。隨營將領。不過樂善。國瑞。西凌阿。瑞禧等。文武參半。勇怯相間。萬一兩軍交綏。事機緊急。將不繼而兵或退。至僧格林沁。躬冒矢石。甚非計也。臣觀都統勝保。性剛而氣矜。志大而衷偏。任統帥或非宜。若其勇往赴敵。臨陣不怯。蓋實長於野戰。今暫留北塘等處。

盛京山海關協同堵禦。必能破敵成功。此外江南軍營。尚多健將。如李若珠。張玉良。馮子材。輩宜先其所急。

飭下和春。張國樛。斟酌機宜。調交僧格林沁差遣。夷務稍定。即回

軍營

硃批與惠親王等同看。並與僧格林沁悉心籌商。

庚申。吉林將軍景瀉等奏。據彈春曉騎校永祥等報稱。該處有東海岸居住之恰喀拉夷人六七百人。因被俄夷騷擾。來投彈春。懇求接濟等語。查恰喀拉一項。素以捕牲為業。與赫哲費雅喀同類。今被俄夷擾害來投。固未便拒絕。然是否誠心。應先派員查明。再行招撫。當即飭委該處驍騎校博興等。備帶鹽糧。即行前往。斟酌辦理。現在辦理團練。招集攬頭。保護後山。查明各該處人民。妥無被俄夷勾結煽誘。並繪圖貼說。呈

覽

硃批另有旨。圖留中。

諭軍機大臣等。景濤奏飭辦團練。並招集攬頭。分布要隘。繪圖貼說一摺。綏芬烏蘇哩等處。業經景濤等招集攬頭。發給印照腰牌。分投入山。擇要屯紮。並添設臺卡十四處。以資偵探。其阿勒楚喀等地方。亦經密辦團練。操演西丹。並添造槍礮。製造藥鉛。備用。所籌均尚周密。著即照議辦理。蘇城一帶。向多流民。集居。厯有年所。自係從前地方官未能隨時驅逐。此次所招攬頭。是否即係此項流民。如果樂為我用。自可寬其既往。景濤等應即查明據實覆奏。不必回護。其應如何酌給器械。以資捍衛之處。

均應豫為籌畫。至所稱琿春東岸之居住恰喀拉人等固被俄
夷騷擾來投。懇求接濟。現擬派員查明再行招撫。此項人眾被
擾來投。自應妥為撫恤。免為俄夷所用。然或係俄夷指使而來。
留之則為心腹之患。亦不可不防。即著景瀛等督飭委員詳加
察訪。不得稍存大意。如來意果屬真誠。其人足資禦侮。或即於
蘇城等處酌量撥給地畝。俾得前往開墾。設有緩急。亦可助我
兵力。其軍械火藥等。亦應臨時籌給。以免掣肘。至琿春是否與
通溝相近。如與通溝相連。則通溝之眾亦可仿照蘇城一體辦
理。並著查明具奏。

署黑龍江將軍特普欽等奏准署黑龍江副都統愛紳奏

詳稱海蘭泡夷目布色依差夷官阿斯拉木幅等進城見
面。令將重修卡房。拆移江右。否則發兵代為拆毀。該員答
以卡房既經重修。礙難復拆。因其有發兵代拆之言。隨於
次日清晨。帶同官弁。前赴海蘭泡。面見夷目布色依。婉言
開導。併責以兩國既稱和好。前次燒燬卡房。已屬非理。不
令汝賠修。即是厚意。今自力重修。何得又令拆移。並有發
兵代拆之言。尤屬非是。與之反復剖辯。該夷答稱。係奉本
酋之命。今雖重修。若不拆移。伊實不敢擔承。再與理論。語
塞無詞。走進內宅。移時始出。故為頭痛之狀。僅令阿斯拉
木幅支吾代答。該員告以卡房已經修竣。派兵坐守。斷難

拆移。布色依搖首推病。催令旋回。復據該員報稱。烏魯蘇
牡丹卡員佐領鄂爾精阿等呈稱。有夷官綽羅呢等四人
帶領夷眾三十餘名。並傳集附近居夷。齊至重修卡房。聲
言江左地面。業經許給。易換字約。屢次催令將烏魯蘇牡
丹卡房拆移不聽。前派夷官焚燬。何以今又重修。定須拆
移右岸。各帶器械。肆意鳴張。眾兵忿怒。欲向抵敵。鄂爾精
阿恐致殺傷。啟疊喝禁眾兵。仍進卡房固守。次早夷眾復
來。攜帶槍刀。鋏斧。將重修卡房肆行砍毀。並將鄂爾精阿
摔擲在地。眾兵攔阻不聽。欲執器械向其交鋒。復經鄂爾
精阿喝禁。仍在卡房舊基防守。差人飛速呈報之際。又有

夷官密奇達帶領馬兵二百餘名。各執槍刀。力逐官兵過江。至右岸距烏魯蘇牡丹附近地方而回。並據該署副都統聲稱。該夷有心尋釁。可否示弱。緩圖。暫將該卡官兵移至霍羅綽坐守。下有阿敦吉林卡倫接續哨探。遇事飛速呈報。尚不致誤等情。只可暫緩與爭。留待緩圖。為一時權宜之計。以免立起兵端。

特普欽等又奏。前據海蘭泡對岸大黑沙河屯官探報。木首由水道同行。嗣據愛紳泰報稱。夷目布色依會晤之時。通事聲稱。木首前往呼倫貝爾附近之英阿達河等處操兵。過兩月仍回此處駐紮。以備明春乘火輪船往日本國。

等語。再據愛紳秦聲稱。木酋由黑河口同時初次晤面。曾言吉林將軍何如此辦事欺蒙。

君上。吾回國必有公文行知。迨二次見面。詢其如何欺蒙。即置而不答。不知是何狡計。惟因阻其前赴綏芬。烏蘇哩展占地。方則又有明春必赴吉林之語。現在江左旗戶已密飭愛紳秦督率各屬設法圍剿。並飭呼倫貝爾各屬一體嚴密防範。吉林現已籌辦防堵。明春冰泮後。該夷如果肆逞。前往烏蘇哩綏芬等處。自必受創而回。第江左前已許令該夷借居。且江道准其行走。若稱假道前赴東海。亦礙難阻攔。啟釁致令有所藉口。儻該夷回竄江左。別有滋擾。自應

併力夾擊仍作為居民公忿以挫其兇悍之氣留官為調處將圍地步若該夷僅在吉林地面滋擾或被創伏竄安靜回歸應否乘勢勦除抑或容其回行僅令一切遵循前約免其攻擊之處未敢擅便

特普欽等又奏籌備國防並防守事宜前奉寄

諭特普欽那敷德奏遵旨豫籌布置等因欽此查該夷狡抗多端日益恣肆設有緩急尚恐兵力不敷必須聯絡旗民人等團練以壯聲勢並將官兵扮作民間團練以為轉圜地步庶可稍戢兇鋒伏查黑龍江省地處極邊向無私住民戶等類等報轉熟思全省地面多有與俄夷接壤之區且江邊

即准其行走。尤須時時防範。不可一日稍疏。若調集官兵。常川駐守。又須多糜餉項。是以擬將該城養育兵等。本處備防。並挑備西丹一體操練。當經飭令署副都統愛紳泰密籌妥議去後。嗣據呈報。議將江左屯居各戶開散西丹。擇其年力精壯。心地明白者。每十家酌立戶長一名。有事聽其指揮。無事則各於各屯操備團練。如果該夷有強取糧石等事。自可隨時抵禦。仍密諭各屯。禁其偷漏私糶。接濟口糧。各該屯宿西丹人等。均屬踴躍樂從。現已傳飭各員。將揀放甲長八九十名。暨所屬閑散西丹一千三百七十七名。一併造冊團練。並擬將江石城鄉一帶。各按旗佐

地面照編行保甲之法一體籌備。按甲出派官兵嚴防密查。該西丹等雖常川防守。均知各衛身家。老弱相依。田園耕作。既可不失生計。又可節省虛糜。其所需器械一半官為辦給。一半令其自備。以期永遠奉行。仍將器械收存官所。遇事聽傳發領。協力同心。用資捍衛。即以保護城垣。如遇緩急。一面飛調前備官兵前來策應。可期無誤。惟該城額設職官。除出征差委懸缺外。僅有十九名。每有一官兼署三四佐領圖記者。僅有緊急必須一官管帶一隊。若非豫先委定。則平素未能熟習。臨時難期得力。擬請仿照軍營章程。由軍功賞戴翎頂之領催前鋒委筆帖式官儘先

升用人員內擇其年力富強曉喻軍機者委署佐領圖記
即充職官當差俾令熟識所屬兵丁以免臨期違誤並擬
擇要添置臺卡巡守瞭望以備遇有緊急隨時通報而免
疏失各等情遵劄酌擬條款呈報前來等因該部等逐細詳覈均
尚妥協其委署圖記一節係屬因時制宜以專責成而資
得力並嚴飭各屬實力奉行不得徒託空言致滋貽誤
硃批依議辦理

諭軍機大臣等本日據特普欽奏俄夷復行拆毀卡房並豫籌布
署各摺片覽奏均悉此次俄夷因烏魯蘇牡丹卡房被燬後重
行修葺欲令拆移江右經愛紳泰面見夷目布色依開導不允

旋派夷官綽羅呢等四人帶領夷眾三十餘名並傳集附近居
夷各帶器械將重修卡房肆行砍毀特著欽等以該處並無屯
居旗戶非厚集兵力難與較量擬將該卡暫移江右霍羅綽地
方與阿敦吉林卡倫接續可期無誤文報自係一時權宜之計
卡房原在許借該夷地址之內彼既有所藉口卡員等一時自
屬難與爭執惟該夷如此倚眾恃強持械威逼情形實屬兇悍
且左岸屯地既已被其侵占恐其得步進步以次擾及右岸據
愛紳泰探詢通事阿斯拉木幅有木酋欲往呼倫貝爾附近之
英阿達河等處掠兵之語該處係屬右岸地方豈可任夷蹤闖
入著特著欽等即派委妥員查探明確如該酋實有往彼之信

必須設法攔阻。仍令屯戶居民作為不依。併力抗拒。以杜其窺伺之謀。至明春該夷如在吉林地界受虧。回至黑龍江滋擾。即應嚴行拒守。斷難任其兇狡。儻其安靜回歸。亦不可自我開釁。是為至要。

辛酉。光祿寺少卿焦祐瀛奏。竊惟大沽為津郡咽喉。津郡為

京師屏蔽。籌防之法。不厭詳求。

欽差大臣僧格林沁。慮及郡城民無宿糧。地無井泉。因議附城一帶。挑挖重濠。思患豫防之計。可謂至矣。以臣揆諸地勢。體察民情。尚多窒礙之處。敢為我

皇上敬陳之。查天津西南兩門皆係陸路。民居較少。地勢空曠。今議將得勝口挑挖。自西南以水為衛。辦法最為妥善。至北門濱臨運河。東門濱臨海河。僅有浮橋兩道。渡口數處。以通往來。河之東北居民鋪戶。綿亘數里。周圍圍築土城。而大河為之閒隔。無論四面不能環繞周匝。即東北濠牆亦不相聯屬。名為城外。又築一城。實則自為段落。隔絕不通。此地勢之未便也。城中柴米取給於城外。而城外之柴米全賴於四鄉。今閘廂之外。深溝高壘。道路不通。則城外之來源先斷。而城中之固守愈難。更可慮者。津郡地勢低窪。百姓墳墓大半彼此相接。今雖寬展挑挖。而塚墓參錯其

閒濠牆不能曲折避讓。即空曠之地。亦是民間田園。一經
挖濠。遂化為烏有。生有失業之憂。殲有暴骸之禍。人心能
無惶駭乎。此民情之未便也。城小則易守。城大則難防。今
濠塹寬至三十五里。而以京兵二千。津兵一千。蘆園一千。
分布防守。已屬不敷。若雇募鄉勇。補其闕而烏合之人。更
不足恃。況地勢既嫌其隔閒。呼應即不能靈通。置此勁旅
於空閒之地。臣竊為兵勇惜矣。馬步官兵。屯紮海口。月需
餉銀為數甚鉅。藩運各庫。不敷支發。有官紳捐款以之接
濟。兵丁口糧。不無小補。當此艱難之際。與此無益之工。臣
又為經費惜矣。自來防夷之策。首在固守口岸。現在大沽

海口營壘堅固。鞏若金湯。又有雙港營盤。為之接應。以逸待勞。以靜制動。即使該夷敢於窺伺。亦必再受痛懲。若謂該夷有馬隊。可以登陸肆擾。而船不近岸。馬隊豈能飛渡。況夷人以船為營。津郡距海口一百二十餘里。該夷馬隊豈能舍船深入。此又無庸細過計者也。所有津郡附城。它濠築城。諸多滯礙之處。應請

旨飭令僧格林沁及直隸督臣恆福再行悉心妥議。詳勘地勢。俯順民情。務使兵無空設。餉不虛糜。庶於防務有裨。而津郡之人心益固矣。

癸亥。

欽差大臣兩江總督何桂清奏。噶夷三桅火輪兵船一隻。甫到上海三日。即於十二月初三日開行出口。探係前赴粵東。臣查覈新聞紙云。噶夷議定合兵前來。覈與前次探報噶夷不願合兵。及因事失和之語。殊屬矛盾。犬羊反覆之性。難以理測。即將新聞紙所云。西班牙即大呂宋。與摩洛哥構兵。噶夷亦干涉其事。噶夷又與安南互開。噶夷復因地界相爭。此係各該夷所屬部落。各自構釁。本與稱兵中華無涉。而傳聞噶夷現欲攻打澳門。與大西洋為難。是以噶夷兵船不旋踵即已折回。復與新聞紙又不相符。廣東省亦無文報。尚不足信。

殊批覽奏均悉。

俄囉斯咨覆。

為咨覆事。本月二十四日。尚書肅瑞到館。面交本月十六日由貴處來文。並未照本大臣本月初八日。十七日。兩次原文咨覆。並未將本大臣所行文貴處大臣亦未代表奏呈。聞今仍祈貴處大臣。詳閱本大臣二十一日咨文。代為奏明。可否之處。示知鄰國全權大臣。本有本國皇帝之命。請貴處奏。

聞。

貴國

皇帝之事。貴大臣竟自不為代表。奏可乎。現據尚書肅親王。面交貴處之文。綏芬與烏蘇哩河之地。已竟借與本國。且有

貴國

皇帝諭旨一道。中堂繕送交本國大臣公普提雅琴。在愛琿城議定立和約之語。確鑿可據。何以又云係黑龍江將軍奕劻辦理糊塗。將吉林所屬綏芬烏蘇哩河等處。擅行允許。並未聲明。亦未繪圖呈進等語。查咸豐八年間。

貴國

皇帝派將軍奕山會同本國大臣公木哩斐岳幅。商辦分界之事。該大臣等議定和約。兩國俱已准行奏明。可見奕山所辦

之事。並非擅行允准。議定和約後。於咸豐八年間。本國薩納特衙門。將愛琿分界之事。行知理藩院時。貴處並無別說。中堂桂行文照會前來。亦稱黑龍江所辦之事。

貴國

皇帝業經准行在案。若將軍奕山並未奉有

諭旨。擅自准行。中堂桂亦何能又將此

諭旨。照會本國欽差大臣。並有愛琿城所立和約。准行字樣。自立

和約。將及二年。今貴處始言不准。有辦國家大事。任意更

改之理乎。且恭錄

諭旨。係中堂桂送交本國大臣。並無錯誤。殊屬令人難解。若以

皇上諭旨。貴大臣隨便更改。可准可不准。誰能信服。

貴國所定之事乎。前本國自得信後。即將此事懸示。通知該處各口。在交界之人。俱悉界址。本國並已行知理藩院在案。且本國倚此。

諭旨。已經差遣數千人。保居此地矣。望貴處大臣。細閱八月間本大臣所行之文。自知烏蘇哩河地方。已有本國人數十處居住。即海口等處。至冬時。本國兵船停泊居住。蓋立房舍。礮臺戍守。亦已數年矣。今商辦者。僅止為烏蘇哩河源。至海口中間地方分界。並議立彼處。繪圖立約。原為免兩國相啟爭端。不致互相私越。而永固兩國和好。此交界繪圖。

之事。甚為緊要。貴處大臣只知防啟爭端之患。並不知繪圖分界之利。是以本大臣求貴處大臣將所繪地圖。畫押用印施行。正謂免日後爭端。即尚書肅瑞與本大臣相見時。曾言

諭旨內。因不知彼處詳細情形。是准將烏蘇哩河為界。想此若係緊要。

貴國

皇帝必知。今既稱不知彼處詳細。必係無關緊要。若謂無關緊要之地。失信傷和於鄰邦可乎。此地在本國通商。甚為緊要。貴國若能堅守此約。可保兩國平安。再來文內稱。吉林軍民

公遞稟呈。力言綏芬烏蘇哩河。係吉林地方管轄。不應黑龍江將軍借與外國。且並非與外國有搭界之處。如果俄國民人要來居住。本地之人斷不容留等語。想此公遞稟呈之人。實係謊言。止圖傷兩國和好而已。該民稟呈內所稱。綏芬烏蘇哩河。不與本國搭界之有無。惟望貴處大人詳看本大臣從前所行之文。即知伊等謊言。至該民所云。彼處之人。斷不容留之語。亦屬不實。本國差遣數千人在彼防守。已一年有餘。並無爭論之事。蓋因烏蘇哩河右岸並無

貴國之人居住。偶有打牲之遊民。亦不能不容留居住。以便

交易兩國俱可獲利。且本國軍民所屬止在河之右岸。其左岸仍屬中國地方。俱無旗回人民居住。本國並不圖取侵佔。再來文內雖未言及何人遞呈。本大臣猜疑未必不出於吉林將軍之為。予。本國大臣公木哩斐岳幅數次行知本大臣。欲乘船前往面見該處將軍。勸其善為保守愛琿和約。以免中國擾亂益甚。本大臣已行文公木哩斐岳幅。令其暫勿前往。本大臣想望貴處大臣告知該將軍。固守和約。以消爭端。再來文內稱該處人情不服。必啟爭端。於本國不利等語。請貴大臣放心。本國有法辦理。亦能壓服所屬之人。不致受人欺侮。本國該處之官既能自行固

守和約亦令所屬一體遵守。偶遇不法之人。必然從重懲辦。若

貴國亦照此辦理。爭端何由而啟。儻

大清國將分界重要之事。不思早為辨結。難保不啟爭端。在本國並無有侵占

貴國之意。又何有得此望彼之心。正為

貴國計之。欲免爾國爭端。只求分清交界而已。總之本大臣求貴處將

大皇帝願否與本國固守和好。免啟爭端之處。直言相告。本大臣勿含混咨覆。如願將補續和約數條及所繪地圖議定。畫

押用印以免牽混。而地圖本大臣早已備妥。看來最易辦理。何必推諉。再本大臣奉本國皇帝之命。轉告貴處大臣。無論

大清國准與不准。本國惟有照愛璉所立和約。及中堂桂恭錄諭旨遵行。將所借之地。本國堅守。永不復還。儻貴大臣不為早奏。將彼處分清實於

貴國有傷。且商辦分界之事。將及二年。並未見有準議。日後設有爭端。非關本國之不早告知也。本大臣既奉本國之命。理應將貴大臣覆文奏知。是以求貴處大臣直言覆知。並求飭令按站豫備馬匹。本大臣定於咸豐十年正月初

十日。差派官兵二人。將

貴國大臣從前原奏原文。送往本國轉奏。並知照本國邊界大臣辦理。本國大臣文內所言。俱係誠實。甘願堅持兩國二百餘年相交和好之道。貴處大臣如能幫助本大臣堅守和好。是所幸望。以修舊好。為此咨行。

籌辦夷務始末卷之四十六